

萬曆

皇華集
十六

皇華集卷之三十四編目

萬曆元年癸酉頒登極詔使二

皇華集卷之二十四
登瀛洲詩二

皇華集卷之三十四

渡鴨綠江

此以下四十一首回
程到林畔館錄示

陳三謨

鴨綠長江古渡頭
雪風飄送片帆浮
禮先萬國冠裳
舊名策三朝寵遇
優虎節龍符
光紫塞蘭橈錦纜
泛清流
白雲親舍知何處
回首家山思轉悠

曉發義順館

迢遞東藩第一程
停驂此日快新晴
喧林鼓吹朝分
隊耀野旌旗
夜宿兵士俗衣冠
原不異堯天
草木有餘榮
乾坤覆載何遐邇
西北紅雲是玉京

義州道中

天書賁捧下燕臺城闕風高鼓角催碧海青雲一鴈
杳晴江白日錦帆開東邦風號文明國漢使慚無經
濟才爲憶朝堂虛獻納天涯旌節敢遲迴

蟠松亭

塵途忽到此世事頓相違日影輕隨輦松枝亂拂衣
相逢青滿眼並坐綠成圍輒動幽棲念何須問釣磯

新安館偶成

行來蹤跡遍天涯無限淒涼祇自知異國月明雞唱
早海天雲冷鴈歸遲平生勝槩初臨日萬里關山正
倦時愁絕小窻殘夢斷子規啼上最高枝

迎薰樓對月

清夜登樓上吟懷向月開
白蓮浮海出金鏡掛空來
瑞彩飛蟾窟寒風散鳳臺
一杯聊爾對千古意遲迴

夜雪

一夜飛廉號令嚴
熒裘頓覺早寒添
飄揚柳絮春千點
狼藉梨花月半檐
江上不堪聞郢曲
空中差可辨吳鹽
玉街十二堆應遍
怪底袁安睡正甜

納清亭雪景

忽驚翠黛化瓊瑤
萬壑千巖寒氣驕
總爲豐年多樂事
未妨蹤跡混漁樵

嘉平山行

雪後登山落木繁朱霞猶自出天根
奇峰斷石頻停馬絕壁枯枝亂掛猿
桂樹千秋懷舊國浮雲何處望中原
蓬萊東去未爲遠吾欲乘風叩日門

夜宿嘉平館

千澗起秋陰萬山驚夕暝松風何處來
悠然飄夜磬
嘉平館夜坐

客中驚物候獨坐轉悠悠遠使離鄉國
閒身此浪遊
寒燈消永夜朔雪遍長洲欲下沙邊立
雙雙起白鷗
控江亭

控江亭上共清遊
吟倚闌干散客愁
芳草迴迷回鴈嶺
斷霞晴逐釣魚舟
江山對我皆青眼
歲月催人易白頭
惆悵昔人今已遠
夕陽江水自東流

渡清川江

溪邊曲洞依流水
樹裏閒雲抱遠山
殘雪微風舟緩渡
分明人在畫圖間

登百祥樓

仙嶠何年路轉通
飄飄樓閣倚天中
綵雲聚處瑤臺出
白鶴來時紫氣同
山外石牀常帶雨
人間鐵笛亦凌風
東流不盡清川水
來往鷗鳬閱歲功

遇雪

旅館人初到，長空雪正浮。
和雲埋野樹，雜雨響江樓。
凍澁班生劍，寒欺晏子裘。
憑誰歌越曲，一洗客邊愁。

肅寧館偶成

鳳詔新裁墨，未乾東人已。
向使星看，千重嶺道驅馳。
遠萬里堯天，遍覆寬翠栢。
清風撐去，旆梅花、明月傍。
吟鞍憑誰爲，致高堂語。
雲際無因接羽翰。

安定館道中

山逕驅馳日，悠然閱歲華。
白雲縹緲處，茅屋兩三家。
鳥度林偏靜，人行日自斜。
停驂呼譯者，一一問桑麻。

次安定館述懷

歧路竟喧紛，心閒若不聞。
字臨王逸少，詩學鮑參軍。
客邸敲茶日，燈前倒酒樽。
平生四方志，何用嘆離羣。

登浮碧樓

畫樓高聳俯清瀾，疊翠層巒一望寬。
渺渺浮雲連草樹，皚皚積雪映江湍。
滄波古渡銀灘近，碧漢遙峰凌島寒。
檻外風光看不盡，夕陽煙霧已瀰漫。

齊安館見月

客裏常看月，寒蟾更可憐。
流光含水動，皓魄向人圓。
何處翻烏鵲，空庭寂管絃。
忽驚鄉思動，歸興轉悠然。

登廣遠樓清歡閣

太虛何必問一閣坐相收
松栢山巔翠藤蘿石壁幽
杯疑天外把人似月中遊
莫作霓裳曲翩翩不可留

龍泉道中

嶺道由來險經行感客心
蛩聲吟亂葉鳥跡印深林
零露沾衣濕輕嵐障日陰
王程未可住四牡正駸駸

寶山道中

終歲驅馳不暫休又嘶
君命到東陬寒鴉落日蒼
松晚匹馬西風黃葉秋
萬里有家恒作客四時何日
不懷憂平生事業知何在
孤負滄浪舊釣舟

開城府偶成

聖主覃恩被八荒使臣嚙命到東方
天聲遠播風霆迅宸翰昭回日月光
到處山川供玩景行邊風物富吟囊
藩王若問新朝事爲道神明軼有唐

開城道中

暝色戎戎亂陰雲慘慘生孤村
流水夜萬里故鄉情雪積天逾白
江寒月更明綸竿吾欲把頗怪楚漁驚
渡臨津江

寂寞人煙少蕭條古木疎
嶺明殘雪在川暝落霞初
渡口聞歸鴈溪頭看網魚
臨風思故里掩袂一歔歔

坡州道中

萬里皇華客中朝侍從臣特齋
天上詔來問漢江
津古栢猶凝翠枯梅未放春向來多跋涉今日更風塵

五鼓發碧蹄館

瑞雪蒼松蔽野橋五更燈火促星輶
紫泥擎出天恩重赤土分來海國遙
正朔不殊堯日政封疆何用漢時標
和風披拂輕陰散暖氣還同喜氣饒

漢城開 詔後有作

周家茅土漢山河青瑣詞臣晝繡過
纔見漢城開

鳳詔遄歸使節返鑾坡一陽鼓角旌旗動八道歡呼
拜舞多大造由來均雨露皇仁何地不思波

孤鴈

離羣應已久遠地只孤飛月冷呼聲疾雲間顧影稀
蕭蕭蒲葦老粒粒稻粱微幾夜回塘夢分明向北歸
宿大平館

東國萍蹤此暫棲頻頻歸夢又遼西天涯遊子心如
繫獨對殘燈雞亂啼

歸途作

漢城此日問歸蹊驛路寒風逐馬蹄一派峰巒縈近

郭三冬冰雪阻前溪
春回葭管陽初動
雲護蓬萊日未西
愧我奚囊殊寂寞
眼中景物欠新題

國王餞別慕華館

羽騎紛紛出漢城
賢藩先向慕華迎
昨宵已盡陽關酒
今日還牽折柳情
麗日冲融光去旆
和風披拂送行旌
眼前蒼翠山頭樹
移入天涯夢裏生

回程興義館道中

蕭蕭興義路
馬上度深更
雪霽青山白
天空遠水明
年光冬漸索
使客夜猶行
村落知何處
遙聞犬吠聲

洞仙館

風起萬林寒月出千峰白門外蒼松影疑是卧龍跡

回程至黃州偶成

九天捧詔出神京徒御駢駢急去程曉月邊關雙劍
古西風溟海一舟輕東方載振周箕俗上國遙歸漢
使旌聖主只今嘉獻納夢魂時繞九重城

雞初鳴

馬初嘶雞初鳴夜待朝日兼程昨日晚入平壤城今
日早望肅川行東西相去百餘里明日匆匆又晨征
不緣王程歲暮迫何得如此勞吾生君不見路無窮
人易老離家不如在家好我家萬里在江南回首天

涯歸不早

蚤起

一聲殘角數聲雞南斗高懸北斗低路上行人已馳
騎東方曙色尚淒迷

回程生陽館道中

馬首日將晡行行歲欲徂古堤寒蘚合仙掌斷霞孤
山暝聞啼鳥溪清見浴鳬平壤知不遠煙樹晚模糊
途中有感

歲暮猶爲客離愁那可銷方辭大平酒又泛大同潮
明月他鄉滿梅花嶺迢迢不堪風雪夜情緒轉無聊

途中見山頭青松

積雪縞清晝離離見高松
睠茲歲寒枝不復知春冬
旭光時明滅奄忽浮雲蹤
塵心不能戢歲晏徒忡忡

次韻

鄭惟吉

錄示沿途所製四十一首除疊出摠三十
一首觸景記興綽有餘韻賤生口誦心惟
且喜且慰但渡江已迫心事忽擾未暇究
思率爾依韻未免有疊床架屋之歎願大
人恕其情而採其誠幸甚

冠蓋奔趨地盡頭仙槎到處綵雲浮
江郊迓節旌

旗簇賓館開樽禮數優矜式儒林知表準籠羅物
象見風流藩京幾日頒芝札四牡駢駢路更悠

右渡

鴨綠
江韻

鳳啣丹詔下雲程却喜天公餉晚晴地近穹廬

雖列障江分天塹久休兵絲綸降處人爭抃雨露
濃時物共榮恭命教馳三百里先聲日夕到王

京

右曉發義
順館韻

將命詞臣傍紫臺塵清唯覺傳車催賜餘宮錦披
雲出封後芝函指日開風雪撩人歸客髮物華資
筆助仙才天邊獻納無虛日應向螭頭夢屢廻

右義

州道
中韻

蒼髯是我友相見不相違貌古遺塵想風清集羽
衣酒徒畱宿債詩客打長圍一枕龍根睡江聲濺

石磯

右蟠松
亭韻

相迎來駐國西涯目擊心期默自知漸覺奇懷真
磊落空慚疎鬢抱衰遲三秋客路看雲日萬里高
堂對月時遊子他鄉元自感啼烏休上海桑枝新

安館偶

成韻

迎薰解迎節羈抱不曾開南閣憑風上東林報月
來長歌仍出塞多病獨登臺不盡鄉關思離腸費

九迴

右迎薰樓對月韻

顛顛寒風勢轉嚴瓊花萬片夜來添山危已覺將
填塹地聳翻疑欲近檐有客思披王子氎無人解
道謝家鹽何方煎得明窗底一碗清茶破黑甜右

雪韻

千山堆雪積琨瑤富媪施施便作驕萬逕不嫌人
跡斷恐教愁絕夜歸樵

右納清亭雪景韻

葉盡成槎古木繁馬蹄隨步踏雲根枰弓是處驚
蒼鼠擊劒何人似白猿山暝朝昏悲失路林開左
右會逢原人間畏道多平地不必凋顏在蜀門

右嘉

平山
行韻

東林迎月華不覺前山暝夜久風滿簾寒松韻生

磬

右夜宿嘉
平館韻

雪夜燈生暈天涯客夢悠風從月窟下人向化城

遊飢鼠緣寒壁賓鴻墮遠洲殘生何所定蹤跡媿

沙鷗

右嘉平館
夜坐韻

忙裏偷閒不當遊江雲江草喚生愁翠屏橫處三

竿日明鏡開邊一葉舟景物蒼茫歸極目年華荏

苒入搔頭何方日夕淹征蓋共看銀蟾湧碧流

右控

江亭
韻

千層銀闕潮頭浪萬點瑤簪雪裏山更着仙槎浮

浩渺却疑身入十洲間

右渡清川江韻

迢遞危梯一路通豈知欄檻跨空中雲埋大野冰

河闊雪滿羣山玉界同引望鰲頭迷落日平臨鴈

背駕長風古人物色分畱少詩到清川更着功

右登

百祥樓韻

只解從天落寧知映日浮蕭條埋野迳飄蕩入虛

樓冷徹相如壁寒侵季子裘空將兔園興翻作異

鄉愁

右遇雪韻

吟毫禿盡酒杯乾海內風流座上看蘭室已聞香

氣遠綺筵還荷禮容寬鄉心動處如懸旆髀肉消

來未卸鞍瞻望雲霄攀不及何方兩腋得生翰右肅

寧館偶
成韻

已覺三秋盡翻驚兩鬢華孤燈不成夢萬里苦思

家密雪霑簑重顛風打帽斜長程催歲暮愁緒亂

如麻

右安定館
道中韻

客思正紛紛清笳那可聞愁城攻百雉筆陣掃千

軍且挂西山笏休辭北海樽新詞發孤唱風格自

超羣

右安定館
述懷韻

危樓迢遞壓層瀾折盡東南眼界寬寂寞古城臨

絕壁縈迴石逕傍驚湍山呈圭壁連天淨江作琉璃徹底寒無計春風陪勝賞楊花飛處水漫漫

右登

浮碧樓韻

客路凋雙鬢容華只自憐行經冀再落看到月三

圓尺壁元非寶瑤琴久斷絃神交願自托千里意

茫然

右齊安館見月韻

傑構高無對冲襟散不收村墟傍寥落巖磴占清

幽牛斗低簾額煙雲護客遊仙居喜樓閣於此暫

遲留

右登廣遠樓清歡閣韻

客館逢佳致征途愜素心清溪喧澗曲寒日上雲

林寶劒誰能斷冤氛故作陰張華不可見人世老

駸駸

右龍泉道中韻

眊眊王官欲告休天涯風雪又西陬青雲器業公
經世白首行藏我度秋跡似杜陵從作客心懷范
老敢知憂吾鄉亦有滄浪水早晚無違具一舟

右寶

山道中韻

瑤階剝落老苔荒此是前朝舊地方龍岫晚雲閒
有態鳳城殘日澹無光賢邪事蹟歸黃壤版籍山
河入錦囊賴有皇華來採俗海隅民物囿虞唐

右開

城府偶

成韻

碧落星初散滄溟日未生殊方萬里道故國百年
情山色連空翠川華帶雪明窮陰近南至寂寞客

心驚

右開城道中韻

山村元寂寞籬落更蕭疎霽雪封條後殘霞映日
初林寒無宿鳥冰淨有叉魚歲暮關河外憑闌獨

永歎

右渡臨津江韻

披錦唐供奉乘槎漢使臣雲中望華嶽雪裏渡臨
津行色將窮海年華欲近春東人知尚德爭願挹

清塵

右坡州道中韻

夜擁旌旄怯度橋百靈無不衛征輶十行書到雞

林曉五色雲迷鳳闕遙可但丘山叨寵錫爭看玉
雪映風標老臣奔走空殫赤頭上何曾白髮饒

右發

碧玉蹄
館韻

漏寒城闕襯星河將命仙曹拂曉過已戒游塵清
輦路更看溫詔下陽坡華風動處歡聲滿朔雪
消時喜氣多中國方今出神聖佇聞滄海不揚波

右漢城關詔
後有作韻

獨對寒燈影仍聞一鴈飛稻梁秋後薄書信近來
稀塞北清霜重樓西曉月微高堂恐驚夢休向浙

東歸

右孤鴈韻

身似羈禽不定棲夢闌殘月在樓西占得燈花綴

金粟九街煙樹曉鴉啼

右宿大平館韻

層冰積雪滿山蹊人裂肌膚馬跼蹄煙起遠村知

小店橋橫落照認寒溪仲宣樓上開襟北子美詩

中首路西採盡風謠貯歸橐非關物色謾畱題

右歸

途作韻

數里蒼松繚似城慕華煙景管將近乾坤遍覆舍

生類葵藿偏深向日情授粲空教適子館繫駒何

以挽行旌陽關最是多哀調一曲聞來白髮生

右賡

別慕華館韻

客路宵將盡殊方歲欲更寒空北斗爛孤店小燈

明村逕人誰到山蹊馬識行郵亭知遠近雞唱兩

三聲

右程興義館韻

山空洞天幽日暮溪雲白仙人駕鶴歸紫霞尋無

跡

右洞仙館韻

魂夢無時不到京強鞭官馬促行程風煙捲地奚

囊富蕙苾除裝越橐輕渺渺征途遙接漢搖搖歸

意劇懸旌黃州鼓角多情思送我西來遠出城

州偶成韻

玉漏寒曉雞鳴五更夢千里程昨夜今宵擁火城

明朝又向江頭行相逢幾日遽云別日日百里窮
還征雲臺獻納久虛席一念眷眷蘇蒼生君不見
昨日少年今已老萬戶不如還家好身贊大平始
歸來西湖不負梅花早

右維初
鳴韻

清曉頻聞隔岸雞碧簷殘月漸西低孤城畫角催
征旆雪裏寒雲路自迷

右蚤
起韻

行色每侵晡殊方歲月徂天時已逢至館號不相
孤夢倦難爲蝶翅遙欲試鳬吟魂忽淒冷松頂雪

模糊

右生陽館
道中韻

豈乏酒堪喚頓無愁可銷風驚江路霰冰拍海門

潮鑑曲煙雲老山陰雪月遙興來猶輟棹心思正

難聊

右途中有感韻

欲識歲寒姿先看山上松顛風苦搖撼特立排玄
冬滄溟孤島客薇蕨西山蹤物豈知我心佇望空

忡忡

右途中見山頭青松韻

鄭大夫林塘君東邦鉅望歷判書考十四載矣
而年力未衰嚮用未艾有別築在漢江佳處爲
余道其得之夢授事甚奇因索詩翰余爲書其
扁遂用其夢中落句戲倣首尾近體二律爲贈
以塞其請且以謝其兩月相從之勤也

落句云帝賚此

身歸老地興隨魚鳥入
江天此殆非人世間語

韓世能

興隨魚鳥入江天
廊廟歸來未老年
事業平生忠義在
箕裘累葉禮詩傳
青雲昔日龍頭望
綠野今朝鶴髮仙
可意山亭真帝賚
興隨魚鳥入江天

其二

興隨魚鳥入江天
塵世浮名摠脫然
彭澤手栽三迳菊
鴟夷身上五湖船
酒杯棋局閒娛老
石室丹經靜引年
漢上風光看不盡
興隨魚鳥入江天

余每誦陶靖節詩云
望雲慙飛鳥臨水愧遊魚
真想初在心誰爲形迹拘
則悠然默會今

鄭大夫夢得之句遇余道之豈偶然耶能又
題

退憂堂

鄭大夫元老世臣志返初服預以退憂名其
堂舍取處江湖則憂其君之意忠愛俱見余
嘉其請臨別贈言

乞身還抱國家憂誰說忠臣得自由但使
一作願時平
君德盛田園隨處可夷猶

其二

後樂先憂社稷身休閒猶自戀楓宸豈惟世祿恩難

報識得彝倫理更真

題工曹長鄭公江山別墅詩

陳三謨

余輩奉天子命使於朝鮮時曹長鄭公逆
於江上回時復送之往返凡四十餘日朝夕
繼見方言雖隔情誼已至途中偶言漢江之
上構一別墅中有亭名夢賚堂名退憂暨依
山臨江之景并泉自石中湧出之類示余索
詩題之予媿不能詩然公之請未可虛也敬
陳蕪語聊以識意若公之德業襟度與此地
之景色精彩則不能形容萬一也

文章蚤歲占鰲頭霖雨功成碧海秋夜館江山元有
夢朝堂經濟退還憂午橋花木開春墅頴水煙波續
勝遊王國昇平多暇日角巾瀟灑狎浮鷗

其二

卜地構軒楹心閒樂自生土花凝碧嫩林葉溜紅輕
月射簷牙白泉穿石罅清風緣幽興在初不爲逃名

其三

未老已偷閒蕭蕭屋數間
枯傾螺殼紫冠製鹿皮斑
隱几聞啼鳥鈎簾見碧山
江村無一事衣佩盡紉蘭

其四

一榻清於洗，翛然思不羣。
紫苔行處滿，黃鳥坐來聞。
琴奏松間月，碁敲石上雲。
漢江新水暖，花落覆輕紋。

其五

自識清堪樂，誰云俗可污。
泉烹建溪茗，香藹博山爐。
月冷梅魂瘦，風清鶴夢孤。
閒來蕭散意，簪組念渾無。
余輩寓大平館，時吏曹判書盧公奉國王命，
爲館伴朝夕，諧余情意，頗洽行之先。晚曾蒙佳
句，見教。余時行迫不及奉謝。臨行送至弘濟院，
而別。余情怏怏如也。茲以俚語寄謝，聊以抒此
心之耿耿耳。惟公亮之。

天涯相會遂相知無奈臨歧送別時古柏蒼蒼凝翠
色寒風冽冽墮林枝欣承彩筆題佳句未得驪筵報
短詞四牡駢駢向西去不禁清夢又東馳

義州別鄭大夫

長至纔過別漢城紛紛車馬向西征忽驚歲晚春將
至却喜交深眼倍青海國風光行處遍遠山煙樹夢
中生明朝又是江頭別愁絕孤舟酒半醒

其二

纔見相逢又別離一年強半苦驅馳每當落葉敲風
處常憶臨流對酒時雲冷關山愁脉脉雞鳴野店夜

遲遲那看別後懸情處江水東流不盡思

贈鄭都監

韓世能

旅愁種種風吹鴈離思匆匆雪滿山此去帝京應不
遠望君多在五雲間

贈權都監

將迎遙在鴨江頭伴我萍蹤兩月遊此別重逢更何
日亂風吹雪攪離愁

應問禮官索

一統車書海內同名藩禮樂慕華風春官何事頻相
訊咫尺天恩効敬忠

與典學梁生大樸

逢迎初自鴨江頭兩月追隨使節遊送我不堪離別
恨朔雲江樹共含愁

與司譯院正郭生之元

綢繆賓主相逢意指點江山到處名若聽方言渾不
解憑君傳語自分明

其二

司言莫道是微臣諳事知書綽有神重譯來同王
會日居然玉筍出班人

與司譯院副正吳生淳

皇華集卷六
五方風氣不同音靈解如君未易尋宣德達情吾有
賴更嘉一片至誠心

其二

迢遙海國三千里往返星輶五浚旬不是憑君傳語
意如何旅况得相親

贈司譯院正洪生秀彥

馬度千山雪更深憑君一語寄愁心東邦纒綫君臣
意欲向天涯夢裏尋

贈司譯院正全生希獻

仙槎西向帝京還愛爾相從兩月間不盡臨歧攀

戀意馬頭猶見淚潛潛

與金典醫仲孚

理身何必問岐黃造化元從自主張
隨地散將安世藥不教人指是韓康

其二

求醫問疾摠茫茫誰識千金肘
後方指與一言微妙理杏林生色橘泉香

與畫工

余使朝鮮日行雪中因感壁間所畫花鳥畫
工遂用紙模贈口占爲謝

往來惟有一書囊誰豔當年橐裏裝
海鳥山花園一紙雪中行色自春光

其二

東來冰雪苦侵人花鳥般般目未親
珍重畫工圖贈意無邊春色逐車塵

贈司譯院正郭生之元

陳三謨

方言喔喔聽難明達意傳情揔賴君
指點山川佳勝處壯遊行色倍精神

其二

賓王交歡式燕時相通情意不通辭
慙慙賴汝頻傳

語滿座春風進酒卮

其三

曾學陳良觀國光黃金臺下幾翱翔習成華語渾無異海角相逢似故鄉

贈司譯院正洪生秀彥

洪生頗通敏容止甚趨踰華言皆洞曉出語聲洋洋
薊門頻來往上國幾觀光江汧遠迎迓驅馳道路長
指點山川勝敷揚風俗詳盛筵叙賓主對面隔層岡
慇懃一傳語彼此情昭彰兩地同肯首燕笑滿華堂
有時歷深夜秉燭侍詩場歧路將分明東西各一方

拜手索詩句燈下賦篇章豈不憚勞倦念汝意難忘
我今渡江去雲樹正蒼茫好爵爾是縻應共海天長

贈司譯院正全生希獻

全子生東國彬然自不羣華言能洞悉處已更恂恂
幾叩明光殿山呼拜紫宸我來浮鴨綠迎送抵江
濱指點沿途景傳宣語句真華筵列賓主對面胡越
分賴汝一開口彼此情俱親驅馳四旬日愈久愈慇
懃回程至良策拜手索詩文行來苦疲倦爲爾意諄
諄剪燭揮毫贈天涯意自新

鄙人獲陪後塵已兩月矣薰德飽義不知道

途之遠今當旋旆雲泥永隔會合無日不勝
黯然謹綴近體二首以爲送別之資伏希一
粲

鄭惟吉

正使大人侍下

山斗聲名錦繡腸清標雅量式東方文章久典絲
綸美草木新霑翰墨香蘭室餘芬薰馥郁琴徽微
韻喻我洋飈輪一去無回日天上人間兩渺茫

其二

得識荊州意自敦生凋瘵幾朝昏賓筵禮重聊
憑譯默會情多不用言白雪鴨江三疊曲淡煙狼

子數家村極知難挽星槎駐一夕相思九逝魂

副使大人侍下

落落看公器業優金門通籍重名流孔璋已覺才
堪霸曲逆寧教老不侯白簡風霜稱諫院青煙樓
閣說杭州高蹤無地非仙府黃鵠迢迢挽不留

其二

東湖客遇西湖客商略名區暫見親從古天淵元
自隔如今萍水兩無因三邊雲日將迷路萬里風
沙不貸人別後清篇倘相寄江南應賦白蘋春

伏承瓊章之惠下及凡賤捧讀再三恍然自

失正如披雲覩日塵慮頓醒不揆菲陋謹製
近體三首伏呈正使敬堂大人行軒

內資寺正鄭惟一

十八仙中第一人幾從青瑣草絲綸身遊蓬海殊
方遠手捧天書聖澤新鳳闕歸心堯日下鯉庭
飛夢楚江濱星槎西返行應急空望遐蹤獨愴神

其二

形如野鶴凌雲表心似冰壺照月邊講幄方承前
席寵綸音忽附誦詩賢東溟道路通遼塞南國
山川隔楚天萬里客詢歸去後玉堂爭看錦囊篇

其三

紫蓋飄然返碧空
東人無計駐姬公
清詩泣鬼盤中永
和氣薰人座上風
愁滿塞天山不斷
夢回江館月無窮
此生那復陪談麈
雲路迢迢信未通

海外鰕生陪從月
餘賤跡之幸此生
難再今當仙旆西
還黯然之懷不能
自己謹綴拙語用
擬別章伏呈副使
給諫大人座前

舜承鴻慶遍遐荒
萬里啣綸出建章
玉節未晞仙掌露
錦袍猶惹御爐香
天涯客日青陽逼
夢裏郊居碧海長
一返鵷班消息斷
空思仙表永難忘

其二

詞源倒海文章伯，風采凌霜諫議官。
手輟皂囊辭北闕，口啣丹詔下東韓。
魂傷箕甸遺田井，夢落錢塘舊釣灘。
想得了他王事後，斑斕歸省趁春蘭。

其三

飈輪却向紫冥回，肯許塵蹤得再陪。
四牡咨詢周道節，百篇傳播謫仙才。
風寒朔野黃塵合，日短遼河白鴈哀。
兩浙三韓從此隔，獨搔蓬髮思難裁。

伏蒙贈言出於望表，奉讀再三，不勝感荷謹

綴近體三首仰呈敬堂大人行軒詩云乎哉
達意而已
奉常寺正權 擘

身在蓬萊侍 玉皇斗南聲價動遐方入神筆法
深追晉泣鬼詩才遠配唐視草幾殘蓮燭跋退朝
猶惹獸爐香平生願識荊州面何幸于今得拜牀

其二

面承綸綍下青冥見說文星是使星纔喜海邦畱
綵節忽驚仙府返雲輶珠生咳唾騰光燄玉比容
顏想典刑瞻望行塵空佇立不堪斜日照離亭

其三

山斗才名玉雪標鵬程不待借扶搖塵寰乍見飛
雙鳥霞珮終知隔九霄雲鎖葛陂龍影斷月明緱
嶺鶴聲遙若爲羽化隨仙馭習習清風兩袂飄

歸牽載脂瞻望黯然不揆蕪拙敢擬別章伏

呈錦江大人案下用希斤正

左掖青蒲禁籞傍爭瞻一鶚立鵷行朝端峻采搖
山嶽袖裏封章凜雪霜冠珮身霑新雨露水雲魂
斷舊家鄉如今遠作乘槎客却使東人見繡裳

其二

手擎丹詔到青丘壯志平生在遠遊已識德星

皇朝集
先動象更看豪氣迥超儔雲霄可奈颿輪返海國
唯餘寶唾畱清夜月明愁思苦玉人何處倚高樓

其三

一曲驪駒正咽聲朔雲晴雪滿前程不知後會期
何地祇是相思隔此生梅發京華春信早冰消江
浙暮潮平歸心自切君親戀肯顧東人惜別情

奉國王啓

韓世能

敬天勤民四字荷蒙 先皇帝廷命作箴深賜採納
選入翰林今見此不勝痛心未能舉筆非敢違 尊
命自餘一一書上奉備覽擇又前奉閱讀禮成志喜

拙句因草率口占未叶古韻今用改呈敬啓

皇華集卷之三十四

皇華集卷之三十五編目

注

萬曆十年壬午頒 皇太子誕生詔使一

正翰林院編修黃洪憲

副工科右給事中王敬民

遠接使左贊成李珥

卷之三

四

五

六

七

序

洪惟 皇朝光宅九有聲教遠暨四方萬國不問
海內外罔不臣服惟我東藩最蒙 恩顧凡有大
慶必先昭布而又擇道德文章之士爲之使自
列聖已然矣今 皇帝踐阼之一十載治化隆洽
增光 祖宗皇天眷佑錫以震嗣實 宗社生民
之慶誕告多方覃恩宇內有司以朝鮮素秉禮義
世虔侯度寵諭之典粵有舊規以 世宗朝故事
聞 皇上可其奏於是翰林院編修黃公工科右
給事中王公實膺其命我 殿下靈承 帝眷惕

然兢慄召議政府右贊成臣李珥暨臣惟吉若曰
惟我 皇家積德累仁慶孚神人不穀殿此僻壤
亦與鴻休感戴欣忭之誠無所可効惟儻待皇華
一事可盡心焉爾珥爲遠接迓于境上爾惟吉爲
館伴供奉之事一體予意臣聞命震越惟不能盡
職仰孤 殿下之旨是懼焉兩先生受命四十餘
日直抵藩都肅敬使事之外溫愉寬假克諧以禮
而驅馳原隰每懷靡及月僅三穀而復于朝其始
至也東人仰之如景星之麗于天儀鳳之降于庭
莫不覲德而心醉及其去也譬如颺輪羽蓋上搏

紫清不可跂而望焉我 殿下感 皇恩而罔以
報慕使華而不可畱則增秩取士與國人同慶其
咳唾珠璣散落東土者收拾入梓以永其傳乃
命臣爲序臣以無狀謬忝館任邇下風而承顧眄
爲日亦多觀其登降周旋雍容中禮襲乎人者盎
若陽春形諸言者穆如清風詠嘆之間不啻如吹
竹彈絲敲金擊石傳所謂有德而有言者蓋於兩
先生見之矣臣竊觀後三百而詩自晉魏以降體
格之日變組織之漸工因之而有放曠輕佻靡麗
怨誹之習紛然繼起噫音生於心而感之者政則

亦上之治教使然豈但爲作者之過是編也其寓
目興懷引物連類者率皆清平敦慤發乎自然而
襟懷之玉潔氣味之蘭馨實寓於文字之間此非
感治化之美得性情之正者能如是乎吁詩之云
仁义矣 聖天子在上以身爲教治源旣正四方
風動人之邪思非慮消融蕩釋於太和元氣之中
雖閭巷俚謠皆足有懲創感發之意矧夫身際亨
嘉地屬近密入則論思獻替出則將 命宣德者
無怪乎其言之所發粹然一出於正而詩教之蔚
興乃於今親見之豈非幸歟然則皇華之集不但

爲東方之寶將永傳於天下後世也必矣他日歌
賡載贊皇猷以振大雅之作以新一代之制以
繼成周之盛非先生其誰望焉萬曆十一年正月
二十五日崇政大夫判敦寧府事兼判義禁府事
五衛都摠府都摠管臣鄭惟吉謹序

卷之十

卷之十一 五

取海內之寶物以獻

皇華集卷之三十五

謁箕廟賦

盖余爲河南西華人云西華故箕地初聖師
食采於箕故稱箕子今邑中有箕子臺巍然
學宮之後臺之端建洪範堂木主設焉春秋
寔俎豆之其所從來長遠矣余弱冠讀書其
中每繹範旨輒低徊興感於千百載之前而
有餘思曰此聖師初封國也卽其後封朝鮮
縣隔萬里然故枝首丘神將往來其間而彷彿
志吾羹牆未可知也實不謂奉 上命如

今日躬詣東藩以播 詔勅而獲瞻竚其廟
貌如親見之謂爲氣之相感而數之不偶非
邪且遺化猶存其國之君臣率能秉禮惇信
而世爲東藩又余所樂道者于是箕廟賦作
焉

恭承 天辟之休命今播尺一於朝鮮震符啓而解
澤流今歷東徼而究宣紛道俗不殊函夏今郁爲華
其綿延卽沐大造而砥礪今遺教實遵乎仁賢用是
追大人之遐軌今忽感乎蒙難而迤邐當狻童悖亂
此大道兮謂生不有命在天旣昌披而不用聖言兮

珍異好四方其益堅傷進死併命而無益祀兮又奚
忍蹈與亡吾國之愆恐不祥之爲我累兮適梅伯醢
而足憐保明哲與之俯仰兮被髮佯狂而爲之奴昏
無邪而隕不息兮正大易之明夷而莫之渝終不揆
余之中情兮時托琴以自吁及天命之旣改而訪於
周武兮將序倫立法之是圖陳洪範而皇極建兮與
大禹之所叙而同符闡幽微宏深之經言兮固授聖
而以謨封朝鮮以示不臣兮俾東民其咸蘇撫平壤
而光宅兮盡海表而式孚惟宗祀之永以續兮儼開
域而稱孤德無陋而人無遠兮導殊俗而改趨風振

達而禮義遵兮夫惟聖師之故也業迄茲而光且美
兮承而不能舍叶也曰踵武而長終兮歷億載而惟
此度道化垂法何炳以晬兮故迥闊循軌而益內附
帝寵嘉而德恩洋普兮又申之以詔諭俾東國知
皇朝之兼容兮雖日際而罔弗惠顧余簡日而謁款
箕廟兮念枌榆而憬然如寤厥主巍設於正位兮斯
宇實顯敞而寡仇荷梁薨如飛虹兮羌居楹而彫璆
列左城右平之嚴以正兮土木被緹繡而光流棟雲
遠飛接於白嶽兮繚繞攬澄江之悠悠基實奠玄菟
之奧區兮階翠栢其長畱功德崇報於千禩兮典迄

今而益周余歷茲而延佇不能去兮奠椒漿而薦珍
羞結微情以陳詞兮穆將愉乎靈魂願顧余以來格
兮爛昭昭乎如存夫孰非心之可感兮孰非諒余之
虔假湔我而潛廸兮庶舊學服而益有悟於經言亂
曰幸矣哉夙慕箕城猶萬里違兮謁祠下而形神依
俸兮余爲箕城之後人知居歆其庶幾兮萬曆十年
歲次壬午仲冬卅一日欽差副使工科右給事中箕
城後學王敬民薰沐拜手書

次韻

議政府右贊成李珥

平壤是箕子故都立廟綏靈春秋祀而

西華是箕子始封之地亦有祠揭虔無間
海內外焉 皇明萬曆十年冬給事中儼
吾王先生奉 命宣詔于我國先生是西
華人少時鍊玉于洪範堂紬繹疇範之旨
薰沐仁聖之澤素矣今於萬里之外適到
箕子之邦瞻仰廟貌徘徊興感遂賦陳其
事一筆轉環不加點綴而辭富旨遠尊賢
慕古之意溢於言表況我東人受聖師罔
極之恩遺風舊俗髣髴猶昨其可無辭以
揚休烈乎茲敢不揆荒拙吹韻以呈

夫何明宮之岌業兮耀朝暉而色鮮肅將禮而敷
衽兮邈人文之始宣昔玄鳥之啓商兮迄帝乙而
祚延咸明德而慎罰兮君六七兮聖賢何期獨夫
之恃命兮謇君子兮道邇結怨毒兮謂無傷曾不
念獲戾于上天噫太師遭此明夷兮抱艱貞而彌
堅豈不知反覆而熟諫兮恐我辟之彰愆豈不知
高逝而行遜兮憫靈脩兮誰憐肆內明而外晦兮
甘隱忍而爲奴炳丹心兮獻于先王勛自靖兮之
歿不渝如林之衆一散于牧野兮羌自絕兮云何
吁覽武烈于湯有光兮不授法而何圖諄諄洪範

之既陳兮前後聖兮一符夫孰知八百之姬業兮
寔鞏基於嘉謨念周德是天所輔兮民相慶於來
蘇顧余志罔爲臣僕兮指九天而爲乎一葦兮汎
汎渡海敢辭夫投荒而跡孤王乃敬賢而表忠兮
不拂乎夫子之所趨畫朝鮮而建國兮夫惟不臣
之故也君子居兮何陋莅殊域兮不忍舍介鱗兮
易以衣裳蚩蚩兮繩以法度政以德兮化遠聲海
隅兮歸附撫檀君之幅員兮教八條兮勤諭煥禮
樂兮軼華夏民至今猶受惠甚燭龍之照昏兮倪
大寐之得寤世綿曆兮千祀德厚流光兮其誰與

仇曰皇華起敬於祠宇兮珮鏘鳴兮琳璆云是箕
城之秀士兮夙涵泳兮澤流西華平壤不知其幾
千里兮想彼此兮思悠悠神之格兮如水在地奚
必此都之獨畱遺氓瞻玉節而增惻兮相排擁乎
道周酌瓊漿兮椒醕採蘋蘩兮爲羞靈風至而颯
然兮髣髴兮迎我聖魂陟降兮君蒿悽愴豈無不
亡者猶存嗟漢使之揭誠兮導邦人以益虔永世
相傳而不忘兮尤有感於敷陳而直言亂曰噫嗟
嗟君子守身之經兮樂行憂違猗歟夫子之達權
兮孰敢望乎依俦欲鑽仰兮何由在極深兮研幾

孤竹城謁夷齊廟

黃洪憲

停驂古壘望宮墻
廟宇巍峩俯大荒
故國幾家城堞在
清風千載蕨薇香
已知脫屣捐孤竹
欲賦招魂憶首陽
此日登臨倍惆悵
一杯何處酌椒漿

其二

山城古堞氣蕭森
遺廟松杉白日陰
扣馬不回黃鉞仗
行吟誰識采薇心
孤標壁立陽山聳
百折中流砥柱深
回首南巢悲往事
滄桑何代不浮沉

山海關

長城古堞瞰滄瀛
百二河山擁上京
銀海仙槎來漢

使玉關衰草戍秦兵
星臨尾部雙龍合
月照平沙萬馬明
聞道遼陽飛羽急
書生直欲請長纓

王司馬招飲觀海亭

關城風急颺征袍
潮落天門萬籟號
槎泛銀河浮蜃氣
山啣紫塞捲秋濤
月明午夜鮫珠泣
沙白晴空鴈影高
司馬風流偏愛客
梅花羌笛醉葡萄

長城晚眺

茫茫沙磧古幽州
日落烏啼滿戍樓
萬雉倒垂青海月
雙龍高映白榆秋
虎符千里無傳箭
魚鑰重關有扞擲
自古外寧多內治
衣袵應軫廟堂憂

聞遼陽報捷志喜

紫微昨夜淨旄頭爲報遼陽已獻酋胡虜羶毬空絕
漠將軍猿臂早封侯天高鴈度清榆塞月冷笳聲咽
戍樓此去饒歌應滿路皇華無事好咨諏

遼左大捷歌贈李大將軍

狼星夜墮西北陲腥風掃盡胡塵吹轟雷隱隱雜刁
斗旭日晃晃明旌旗君王神武真天錫都護材雄總
無敵膏劒身犁老上庭啣枚坐奪昆邪壁首虜高懸
太白風寶刀血染燕支紅龍沙千里無鳴鏑虎帳連
營早掛弓胡笳吹落關山月捷書飛報金鑾闕洗兵

遼海朔風清立馬天山陣雲沒鼓吹鐃歌一路聞父
老歡迎告使君壯猷幸出周元老平胡載見李將軍
我聞此語重太息二百年來有今日他時簪筆侍承
明麟閣書功應第一

病懷

朝奉天書夕飲冰崎嶇山海勢峻嶒鳴蛩古驛驚秋
枕擊柝孤城旅夜燈病骨支離傷短髻壯心慷慨欲
沾膺長桑不遇空搔首試問當年幾折肱

病中聞王給諫先發

羊腸屈曲度沙河聞道王陽叱馭過塞上風煙秋更

急天涯旅思病偏多梅花鄉信雙魚杳竹葉杯殘白
雪歌歲暮陰陽催短髯浮生莫惜醉顏酡

和給諫王年丈詠雪是日宴馬侍御署中

同雲漠漠海天遙江上漁人半緜蕭黃竹不聞千古
調瑤臺初見六霙飄鹽梅擬共和商鼎剡棹何如擁
漢輶折簡漫勞青瑣客早來蘭省荷相招

雪霽曉發馬侍御出餞演武場

驪歌祖席命星館玉宇瓊樓夾道看幕府日羅材武
士都亭霜冷惠文冠采椽飛雪千山白錦障衝泥一
騎寒遙憶當年平蔡事可能夜半取呼韓

遼陽署中

秋風輦鼓靜鞬橐駐節啣杯醉濁醪此日榆關閒士
馬幾年蒲海泣弓刀戍樓鵬落胡塵斷戰壘烏啼漢
月高願借前籌圖上略全河南北盡城濠

十三山和周憲長帶川公韻

塞外岩嶢第一峰孤城天畔寄萍蹤胡笳吹墮關山
月漢壘陰消瀚海烽巖樹煙光浮菡萏劒花霜色照
芙蓉從來細柳軍威壯勒石銘勲更幾重

渡鴨綠江

紫泥遙下鳳凰城鴨綠江頭擁使旌天塹舊分箕子

國清流好濯漢臣纓雲閑翠岫蒼煙斷風細晴瀾彩
鷁輕入境喜聞黃耆頌海波今爲聖人平

其二

江涵鴨綠照秋空江上秋風起塞鴻卷幔晴巒當檻
碧鳴榔曉日掛檣紅宣麻東國隆周典視草西清憶
漢宮萬里勝遊非汗漫千秋華渚報流虹

車輦舘蟠松

停車車輦憩蟠松萬壑松濤吼亂峰不向中原依夏
社若爲殊域避秦封虬枝夭矯蒼鱗古羽蓋扶疎翠
黛濃聞道久餐能駐世豈無瀛女跨茅龍

孝女碑

割股非孝也其事不經見 高皇帝時有割
股療親者始見旌異後卒深禁之雖然漢俎
分羹晉裾割別士也罔極于女有慙德矣低
回感咽情見于詞

殘碣空存孝女名式閭感慨一沾纓懸思俎上分羹
語可似閨中斷指情

其二

弱息猶能療病親蓼莪何事不傷神可憐萬里泉臺
夜不見當年腹我身

納清亭和王給諫韻

萬壑松風入座清
千山環翠草橋橫
彎弓漢月雙鵬下
簾策悲歌塞外情

其二

舉網山溪溪水清
凌風蒼鶻九霄橫
試觀較獵知田事
不爲遊觀玩物情

其三

溪流寒抱碧雲清
環繞諸峰翠黛橫
羌笛一聲樽酒暮
褰帷四望不勝情

練光亭卽席賦

開樽坐江閣落日萬家煙卷幔山浮翠行厨膾擊鮮
放歌飛白雪把酒問青天歸路星河淡城頭列炬然

箕子廟

投荒豈意作王賓麥秀歌殘廟社湮憂國忍甘先遜
迹剖心何益更批鱗商彝周鼎滄桑盡禹範箕疇汗
竹新東土衣冠風教在停驂吾欲薦蘩蘋

其二

玉杯象箸炳幾先去國批鱗有二賢忍死力難回白
日佯狂心可質皇天故宫禾黍秋雲外遺井丘墟落
照邊何處好聞箕子操松風蘿月瀉鳴泉

泛大同江和王給諫韻

楓落江寒橘柚黃
畫船簫鼓晚相將
啣杯共醉藤蘿月
火樹連城徹夜光

其二

木落霜飛塞草黃
延津此夜合干將
江山倘借藍田筆
東壤千秋倍有光

伏承辱示沿途盛作雲錦爛然盥手捧玩爽
若江風海雨入于牙頰無任忻幸之至重違
台教敢搆荒拙次韻奉呈

李珣

斜陽鼓角殷孤城
肅隊催班迓漢旌
絕域戴天承

雨露塞門韜甲會簪纓翔風水鳥迎船舞引路山
雲傍馬輕共仰前星垂遠耀四方爭頌泰階平

十行丹詔下雲空威鳳來隨度海鴻玉節影搖

寒水迥錦袍光映晚霞紅千秋瑞氣浮蘭殿萬國

歡聲繞紫宮道路聳觀香案吏輪蹄雜沓氣成虹

右渡鴨
綠江韻

霜皮鐵幹老盤松韻入長風撼遠峰影合太陰林

日暝氣通喬嶽洞雲封羣賢撫玩芳蹤杳雙鳳徘徊

徇晚色濃護惜敢忘嘉樹傳只愁雷雨化蒼龍右

輦館
松韻

嗟爾區區豈爲名惟知學母理衿纓可憐一捻纖
蔥血不盡三春寸草情

秉彝均賦孰無親短碣摩挲倍愴神列鼎曾聞懷

負米百年風木痛吾身

右孝女
碑韻

樹擁川湄晝影清笳鳴橋外晚風橫焚香畫閣人
如玉水色山光摠有情

一曲溪山傍路清皇華駐節彩雲橫芳樽半日陶
幽趣更把瓊詞寫遠情

砌臺寒浸縠紋清隔水疎松翠蓋橫幽興未闌王

事急夕陽歸去有餘情

右納清
亭韻

玉節臨雕檻仙袍映紫煙山容增嫵媚江色更澄
鮮風露侵三夜笙歌落九天遙知虛講席宮燭待

君然

右練光
亭韻

東土當年建國賓邑居依舊井田湮曾將疇範傳
華夏更把衣裳變介鱗仁列三賢遺訓炳澤流千
載耿光新皇華起敬增淒感日暮悲風滿渚蘋

玉馬東來啓我先嘆深微禹仰仁賢敢將韜晦爲
身地祇是艱貞不愧天故墓淒涼寒樹裏明宮暈
暎曉雲邊遺風舊俗今猶在惆悵無因作九泉

右
箕

子廟
韻

皇朝集
暫上蘭舟駐四黃列城簪笏摠賓將清遊未半斜
陽盡山色蒼蒼接水光

長途敢問馬玄黃玉帛相交祇敬將入眼忽驚逢

絕寶錦囊纔發座生光

右次大
同江韻

浮碧樓

黃洪憲

飛樓百尺鬱巖嵒極目煙霄四望通山疊青螺浮碧
漢江搖白練曳長虹芙蓉艦度清笳細鸚鵡杯殘綠
蟻空搔首幾回懷謝眺從來綵筆定誰雄

次韻

李珣

畫欄危棟枕巖嵒俯瞰江流碧海通水面落陰明

寶鏡雲衢飛彩結晴虹
茫茫喬木迷荒磴點點尖
峰秀遠空此是青丘奇絕處
謝樓滕閣可爭雄

太虛樓同王年丈賦

黃洪憲

霏微金爵上觚稜高閣峻
嶒嶒檻凭瓊樹飛花嵐氣
濕遠山橫黛海雲蒸天空
萬宇虛生白水落千江凍
欲凝緩帶投壺聊共適揮毫
猶愧仲宣登

次韻

李珣

遶樓山骨瘦稜稜十二闌干
回晚凭鳥噪東林紅葉盡
日沉西海彩霞蒸爐煙吐篆
香初散池穀收紋氣漸凝
照壁清詩看不厭玉京仙子
幾回登

伏荷盛意以沿途所製詩若干篇見示奎壁
燦爛動人心目忽忽未暇依韻謹呈二律仰
希一粲

吏曹判書鄭惟吉

蓮燭多時輟講筵海邦爭覩降神仙却因路歷三
千里贏得詩成一百篇牛渚燃犀多水怪崑山抵
鵲亦舫鮮焚香疊疊高聲讀牙頰清風攪夜眠

其二

丁年行役記吾曾遼薊脩程好飲冰歷歷道邊孤
店月依依天上早朝燈身回蝸殼疑千劫夢斷瑤
臺杳幾層玉署儒仙分物色詩壇聊復忝同登

昨讀雄章楚然色喜是木投而瓊報也當宣播
中朝以章盛美頒詔記事一首謹呈閱覽並摶

和章

黃洪憲

海色瞳矐唱曙雞星軺萬炬晃山谿彩輿瑞靄啣丹
鳳滄嶼晴花映紫泥駱馬驕嘶紅錦障魚龍亂舞白
銅鞮天威咫尺頒殊渥東國衣冠盡拜稽

是日早行
詔百

戲雜劇萬舞塞途
觀者如堵牆焉

次韻

鄭惟吉

藩國迎恩趨曉雞百靈奔走擁前谿宮衣尚襲
金爐篆詔墨新霑玉璽泥已聽謳歌連北極莫

言聲教恨東靺邦人舉手爭加額欲挽行旌且少

稽

李珣

丁東漏盡叫天雞
夙駕懸燈渡野谿
笙鶴溢街迎彩羽
龍光滿國啓金泥
偏承帝眷優藩服
更賀皇威掃狄靺
慶罷還愁霄漢遠
繡衣能得幾時

稽

余後韓太史先生使朝鮮瀕行惠詩和答

王敬民

鳳詔新承阿閣下
龍旗曾駐漢江頭
皇華奉使餘芳

躅潦倒深慚繼勝遊

其二

予去 詔傳鴨江畔君畱日在鳳池頭詩篇祖席勞
相贈指點東雲說舊遊

謁夷齊廟

避紂曾居北海辭周竟餓西山當日采薇風在故邦
孤竹巖環

其二

萬古君臣義盡一時兄弟仁全尊重天倫父命聞風
懦立頑廉

同太史黃年丈觀魚北海

輶軒東去歷秋山
雙節忽經北海間
萬頃澄波天共碧
千尋危嶺岸俱環
路懸厓側攀雲磴
魚躍舟中悅客顏
把酒臨流同賦詠
興豪日暮坐忘還

觀海亭讌集

萃律千山西北來
東南海口抱山隈
波連絕島茫無地
水激晴空響若雷
不見秦皇驅石去
曾聞漢使泛槎迴
厓亭樽酒浮寒色
目極滄桑萬里開

出關聞塞外大捷志喜

遙望遼陽爽氣開
萬山突兀海濤迴
秋高大漠胡塵

靖喜見元戎報捷來

其二

予將帝命東行日正是將軍北伐時
遼左風清堪駐節勲成猶及見旋師

其三

氛銷襖滅抄秋天露布遙從塞上傳
已奉廟謨東破虜還期北去勒燕然

廣寧東行水中隄路

殘樹荒臺絕塞邊廣寧東去裊寒煙
千軍隊裏孤蹤寄萬頃波中一徑懸
曠野瀾漫接蒼海初冬澄澈抱

青天長風蕩激濤聲壯履險星軺悵不前

山行追黃年丈

客署有懷夜不寐嶮巇晨歷來東寧石溪水激浪花
白山谷雨餘嵐氣青煖動輿邊日杲杲聲聞劒外泉
泠泠相期晤語在今夕旌旆知君江上停

渡鴨綠江

竭來將命自皇都東歷三韓萬里途江泛綠波連
碧海朝騰紅日照玄菟傳宣藩國天恩重縹緲沙隄
使節孤慷慨乘槎瞻彼岸中流擊楫况吾徒

其二

乘流冬日倚浮槎曲岸潮平尚擁沙誰謂封疆分外
國自來文物似中華鴨江浩渺波還綠鳳嶺蒼茫雪
正花 丹詔播揚須漢使輿圖一統屬天家

車輦館

藩邦猶自隔遙岑車輦經過喜不禁迤邐煙霞三島
勝陰森冬日萬松林樓臺疊疊依山畔旆節飄飄駐
水潄對酒寒威消欲盡不妨幽砌一長吟

蟠松

冬日臨山署看松不盡歡枝高來鶴集幹古似龍蟠
礧砢凌霜色鬱蒼閱歲寒徂徠名最著一種擅三韓

過金孝女故廬

驅車偶經孝女門佳名灼灼傳東藩
截指食母痾因愈代父緹縈堪並言

納清亭

何事孤亭號納清山光水色檻邊橫
經過憇此渾忘倦較獵觀漁慰客情

嘉平館觀射

豈是宣尼矍相圃何來觀射忽如堵
朔蓬之幹燕角弧支左詘右中還弣
調弓猿已擁木啼金貫寢石如伏虎
安得猛士盡若斯從軍北去逐胡虜

百祥樓

江上停雙旆山間眺百祥樓開雲物裊坐對海天長
近水雙魚動遙空獨鶴翔蓬瀛如可問吾欲駕孤航
肅寧館微雪乍晴覽壁間詩偶賦

水際行臨塵不飛肅寧客署傍巖扉風回絕徼寒猶
峭日晃前山雪漸微樽酒無勞黃竹詠壁詩曾是綵
毫揮輶軒使者知何處傳詔藩邦繼昔輝

謁箕子墓

大同館北雲霧收箕子舊邦盡平疇統並周家八百
曆塚畱嶺畔三千秋題字峩峩有石碣凌空鬱鬱交

松楸徃在箕城謁祠下

西華故箕城

辦香展拜來遐陬

快哉亭

倦矣過危嶺快哉憇此亭拂檐乾鵲度隔樹綵雲停
水暎澄如鑑山橫儼似屏不緣承帝命海國豈曾
經

浮碧樓

巖前纔憇大同館江上復登浮碧樓寒日西沉自慘
慘澄波南下何悠悠近洲鷗訝鏡中見倚檻人疑天
上游歲晏相將弄酒盞瞻雲猶自生離愁

練光亭

江邊閣映練光靜此日登臨懷抱開色動寒濤眼底
豁聲傳沙鳥樽前回雲嶺北橫訝女直海天東向疑
蓬萊期生松子杳何處極目煙霞獨徘徊

同黃年丈江上泛舟卽席偶成

江上晚同江夏黃中流樽酒喜相將船頭鼓韻兼簫
韻城畔燈光映水光

其二

遡游畫鷁已昏黃東使清樽爲客將對燭聯翩揮綵
筆星明綺席倍輝光

渡大同江

大同之江元沮水周示不臣封箕子膏腴平行稱靈
區補短絕長五十里當年舊邦沮水陽連天暎日何
渺茫洪濤震蕩城欲動風前金鼓聲鏘鏘肩輿遠臨
我將渡但見大舟小艇往來兩岸如龍翔中流共擊
楫東瞻激以昂激以昂諭屬國 天書傳示良赫赫
我同叔度當此役沮水行經寄一迹

生陽館

館憇初冬日照如二月時陽春元有脚天地本無私
宋璟豈今至鄒生何俟吹晷長紀雲物煖氣更相隨
大虛樓值雪同黃年丈賦

海國宣麻重此行大虛樓上曉寒生蒼蒼遠岫窗中
列森森澄江檻外橫坐向紅爐雲乍擁吟成白雪調
逾清卽予潦倒慚同眺勝地能無賦詠情

鳳山道中遇雪

黃雲流四野雪花飄廣陌驅車晝冥晦羣山忽已白
崎嶇是何域慘慘遠行客望望厓端署聊以駐旄節

龍泉館

蒼茫東海大江連漢使乘槎歲暮天照眼寒光寶刀
在不知何處更龍泉

伏蒙辱示途中盛作奎壁燦爛不勝欣悚之

至重違台旨奉和以呈

李珣

星軺聞說發清都爲候霓旌夙在途
丹詔十行隨彩鳳青丘千里駕飛菟
蒼山雨霽巖姿媚碧落雲消鴈影孤
玉帶神人登畫鷁煙波驚殺釣魚徒
東人拭目候星槎騎從如雲簇晚沙
窮海謳歌歸一索層霄日月耀重華
風隨使節潛回暖浪爲仙舟不作花
莫訝殊方佳氣遍鳳綸來自玉皇家

右渡鴨
綠江韻

玉節迢迢度遠岑湖山興趣浩難禁
暫辭諫掖臨藩土曾把丰儀動士林
日耀千旌穿樹影風傳鼓

吹咽江潯松園古驛濃陰爽酌罷霞觴爲朗吟

右車

輦館韻

童童一青盖當路博清歡柯屈驚虬壯根穿厚地
蟠苔紋和葉綠月色助陰寒故老寧知歲流傳自

馬韓

右蟠松韻

嗟嗟弱質秀閨門贏得芳名振外藩指不若人何

損孝世間戕賊忍堪言

右過金孝女故廬韻

松籟溪聲滿閣清晴郊日暮淡煙橫蒼鷹振翮魚

登網倘得皇華一慰情

右納清亭韻

暇日娛賓闢射圃百步莎堦環短堵穿楊絕藝入

神悟巧力須知在承弣傳聞土蠻屯犬羊正點邊
兵簡貌虎願借皇威乘一障縛取呼韓作奴虜

右嘉平館
觀射韻

飛樓收勝趣豈爲察襪祥野接青天迴江通碧海
長千山環縹緲雙鳳對翱翔只恨黃昏近無由泛

彩航
樓韻
右百祥

雪意遲回乍欲飛卧聞風力撼窗扉吹殘柳絮輕
初散篩下銀沙勢漸微忍凍漁翁簑笠側暖寒豪
客玉舟揮何時嘯入瓊瑤窟快覩清光蕩月輝

右肅

寧館微
雪韻

世遠人亡澤未收井田尚辨東西疇
淒涼遺老誦
八教繚繞荒城經幾秋
閼殿崑峨奉香火佳城蕭瑟鳴梧楸
天遣皇華肅將禮更銜聖化宣東陬

右謁箕子墓韻

選勝頻移席憑危更上亭
帽因邀月側杯爲覓詩
停綠幌低朱檻華譙擁翠屏
都人爭拭目仙客幾

回經

右快哉亭韻

箕城東畔沮江頭
中有縹緲之飛樓
青山一望何
衮衮白雲千載空
悠悠猩袍仙子此時過
麟馬天孫何處遊
玉簫吹徹彩霞盡
古國煙波人自愁

右浮

碧樓韻

練光高閣臨江渚十里平波寒鏡開喬木遙看白
鳥沒古城迥抱青雲回舉手遐思揖喬晉掛帆直
欲超登萊當風披氅動霞酌落日爲我猶徘徊右練
光亭韻

黑頭公並豫章黃海外江山恣取將縹緲仙舟人
指點一雙和璧爛清光

箕城回首淡雲黃南浦蘭舟慣遠將爲報長年須

緩棹寒波徹底蘸天光

右江上泛舟韻

威鳳雙飛渡遼水面承綸音

聖天子紫禁煙霞

一萬重青丘雨露三千里旋車畏途笑王陽孤舟
徑渡江蒼茫採風殊壤富新作一一金石聲鏗鏘
醉呼馮夷駟玉蚪仙袂飄飄天際翔高吟倚柁樓
天地爲軒昂手捧金泥賜東國日暎扶桑光燁赫
此邦箕子有遺風莫道山川非禹迹

右渡大
同江韻

鳳歷開休運虹流賀此時 皇圖膺大慶僻壤荷

鴻私漸覺陽爻長無煩暖律吹東人瞻玉節天際

五雲隨

右生陽
館韻

嚴裝曉發夜猶行星彩寒從翠嶺生葉盡長郊村
火迥人稀古渡野航橫鳳舍 丹詔來西極樓倚

青冥近上清曠望忽驚飛六出登臨應抱歲寒情

右太虛樓韻

向晚發黃州逶遲度阡陌滕六爲清路轉眄千山

白瓊花點錦袍似媚天上客山靈故催詩不愁霑

漢節

右鳳山道中遇雪韻

西來仙客錦鞍連灝噩文章降自天盥手吟來津

溢口爽如巖壑瀉寒泉

右龍泉館韻

伏蒙辱示沿途佳什圭復之餘感佩實深謹

錄長律二首以抒下情

鄭惟吉

給諫聲名海內傳東來物像困雕鐫巨靈應怪移

山急富媪終嫌捲地偏
滄海明珠元受月藍田片
玉亦生煙從今不作西征賦
爲有先生數十篇

其二

躡履追隨不是親
故人相與亦元賓
來通韓老青雲信
最慰藩朝白髮臣
叱馭關山寧駐節
借風霞鷺會傳神
他年獻納從容地
應記東都舊主人

宣

詔禮成感而賦此

王敬民

篤生儲嗣應昌期
國慶須令異域知
帝錫龍章昭日月
天畱鳴綠限華夷
節旄忽歷三韓勝
宮錦新呈五色奇
北極光騰齊拜舞
東藩儼若漢官儀

其二

皇華將命自成周海國今沾帝寵優鳳詔來
從天北極龍函迓入地東頭雲飛白嶽恩光動日照
玄菟瑞色浮儲慶播揚來漢使藩邦名號冠諸侯

次韻

鄭惟吉

虹流嘉慶應休期錫祚仍教四海知邦國自然歸
妥帖乾坤從此轉清夷身霑箕化堪陳範詩蘊天
葩喜吐奇童耆亦聞光價重闕門爭覘好威儀
聖朝文治軼商周使節東來禮義優蒲袖御香
傳鵲尾躡空仙舄下螭頭歡聲競向鰲山沸喜氣

偏從鰈域浮彩筆詞臣謀善頌臨門催喚石鄉侯

李珣珥

瑞電祥虹啓 聖期天心悅豫近臣知身持漢節
輕千里口誦堯言動九夷綏嶺笙簫來縹緲鰲岑
影象弄神奇如今更覺 皇恩大瞻仰文星式令
儀

賢關發軔歲星周白簡青蒲諫業優鰈域乘槎宣
鳳口天門聽履識魚頭 恩霑僻壤歡聲振雲擁
神京瑞氣浮四海一家無內外 聖朝蕃錫在康
侯

大平樓

此詩及慶會樓之作
回程時路中錄示

黃洪憲

龍劒光芒燭使星登樓西望五雲停
千家煙火廻殘照萬疊松巒繞翠屏
擁篲賢王拖玉珮行觴侍者半銀青
大平天子隆聲教山海梯航歛闕庭

次韻

李珣

危樓手可撫天星香案仙曹暫此停
晝靜松風圍綉幕夜寒霜氣透雲屏
窓含暮景煙光紫簷抱遙空嶽色青
盡取海山輸越橐會看雄藻播彤庭

登大平樓次許太史韻

王敬民

江城駐節共登樓撫景不妨盡日留
千里封疆收遠

眺一樽斟酌慰離愁山橫翠色當筵入野曠煙光向
夕浮時倚危闌西北望五雲縹緲是皇州

其二

旄節東來屬素秋玄冬同上大平樓憑闌已盡千山
勝捧詔寧虛萬里遊几席聯翩成雅會關河迢遞
起鄉愁攀畱不盡東君意寒日忽沉景色幽

次韻

鄭惟吉

仲宣心思好登樓應爲殊方苦滯畱雲作衣裳欺
別袖山回劒戟割鄉愁連空燈火家家鬧滿地煙
華處處浮消得客懷無長物却携從事到青州

搖落空悲草木秋何如乘月上高樓
久拋牕底夢騰睡翻作天邊汗漫遊
青眼一方酬勝景白雲千里起閒愁
懸知別後相思處旅鴈聲中院落幽

李珣

盛以清都白玉樓陋邦何幸見淹留
神京西北占雲氣江漢東南蕩客愁
天上瑞圖雙鳳下海中圓嶠六鰲浮
太平華扁君須記封祝年年向帝州
城闕蒼蒼二百秋俯臨東極有飛樓
千家簾幕圍清晝萬里山川記壯遊
魂繞五雲環珮響眼窮三島髻鬟愁
莫嫌夜坐饒風露會看冰輪出九幽

慶會樓

在勤政殿西

黃洪憲

玉樓銀榜枕山阿東向靈光曳履過紅岫煙霏籠翠
幄長虹月落影青娥周廬列戟貔貅擁遠樹連城睥
睨多回首五雲雙鳳闕鵷鴻此日正鳴珂

次韻

李珣

迥入層霄聳四阿綠樽畱待使星過簾浮嵐氣圍
青嶂池蘸蟾光弄素娥數曲雲和軒外奏萬株松
籟雨餘多夜深前殿賓筵罷銀燭紗籠散玉珂

移宴勤政殿故及之

謙集慶會樓

王敬民

天上恩光照海陬人間慶會此登樓
水環石島晴煙裊日晃雕闌朔氣收
嶽嶺千重紛繞座燕雲五色迴凝眸
主人自喜沾殊寵每向樽前問帝州

次韻

鄭惟吉

絳闕西邊白嶽陬乾坤寥迥繞層樓
瑤池景色尋常近蓬島煙霞次第收
縹緲如聞笙在耳清寒偏覺月侵眸
吾王拱極時登此北斗前頭望帝州

李珣

星槎遠泊海東陬勝日相携上翠樓
玉鏡涵空波


不起煙鬟繞座雨初收
牢籠景象歸吟筆揮斥乾
坤放醉眸自是天威臨咫尺却從西北望神州


皇華集卷之三十五



外字諸景泰親人筆跡

中次酒神自天 天象朝明又吐雲 天象朝明又吐雲





計

計

計